

Carnevale Castellettese 1995

BUSINA' ad CASTLET

dai 1995



Circolo Sportivo
SOMS ANCOL
"SERSE COPPI"
P.zza Astori, 33 Tel. 0131/233150
15040 CASTELLETTO M.to (AL)

BUSINÀ DAI 1995

*** CAP. 1 ***

VEG

Av ringras per stà gran presensa
amsogna c'av lu digga an cuscienza,
a ma scardiva nent d'avi ac-si tanc ubra
a-jei ausi propri premià u nost sidur;
assomma cunsimà cavij e finna al sejveli
per pudì semi culli propri pl beli,
ajomma seicà ad sgarà semp pl andrera
e aj n'omma ampi na gran caudera.
Me per ampustà i sunet ad Carvà
ai vò nent amà la Businà,
peiché ai problema as trova na solusion
amsogna seicà al giusti cumbinasion;
lavù, famija e tanc ater impegn
av fan rischià ad nent rivà a segn,
ma cun armunija e bonna voluntà
an s'ista piasa a jomma pudì rivà.
A rigrasiomma giuven ed ansian
nin a l'à facc ai balandran
e ticc cuillà che a-jan dacc an suport
a nin aurissu nent fai di tort;
smantias ad quaicadin al pò capità
e allura na bela lista ajomma facc pruntà.

FIO'

La Sucieta a l'à pià sta bela inisiativa
l'era an po che la ramarinna la bujiva,
i Dirigent a jan spalancà subbit ticc j'is
ajan capi che u ciò l'era urmai fis;
aj fer amsogna batli quand ca l'é coud
lasal an sl'anquissu al ven subbit reid,
la parola l'é pasaja al mujé ed al fiij
per stacà da-u ciò ramarinni e sfaniji;
a trovarrei gasi, turecè e vin brulé
toulì urnaji fin cun di macramé,
anilot pront per magari fà in sejbi
a-sgagèvv sid-nò j-armanu beja sputli;
e per net lasav propri au sicc
a-jé magari pulentà e marlicc;
piev nent gena ad sgrupà la cureja
se la pansa a la scrus deji an pò 'd'seja.

FIJA

Se a-jei dl'arissu a jé anchesi in setmin
che av met an tir c'me in fil d'aramin;
padlot e strimmi i poru ejisi in'aruinna
ma ampiv primma chi sponta la lin-na
e se a va sciud quaica ispirasion
antunei pira in-na ad cul bel canson/

VEG

Stei atent a la fisa ed ai clarinet
a-jè u rischju chi smarinna tit ai blet,
piella dusa e avij nent-tanta presia
e cla sija pitost giuvna o nent tant vegia;
per al striji aj'arbitaromma an saj fugaron
e per scaramansija ai giuntomma magari dui suiton.
Ades a pasomma a chintav quaic listoria
mi-ji d'ascut peichè i son nent per la gloria.

-A piomma fià in mument,
sunej na vota ca l'é 'd'Carvè.

*** CAP. 2 ***

VEG

A-j'avrei vist che aj pais l'é an-poc cambià
ma per rivà amsogna semp duvl rampià;
dans s-lout a duminomma la pianura
nui u su a lu sciaromma pi-bunura
e quand cal'é dadré ai brick d'Ancù
ai domma ancor na streppa, precedensa au lavù.
Ist stradon a l'é semp an po periculus
quaich'din al vè semp cme in scarus;
u sareisa ura ad fà in bel marciapè
ma po la carsà la ven amprimma in santé;
j'avrejissu d'amsogn anchesi na piasa duppia
ma per arcedi na spana semp as suffia.

FIO'

As duvrà scavà galeriji e stupà di l'infarmot
andrent ai machini e ad fora i vaslot,
per teni an pé ticc icc rivon
a jan duvl fà tanc mirajon,
per furtinna na vota a jera quaic gasiot
sid-nò dac sghijon a rabatavi fin a Giarlot.

VEG

Cun la crivela ca j'era a cui temp andré
quand ch'jera ancora la peisa e u ramblé
à s'era nent previst che ai post di birucin
ai sareisa spuntà tant machini e muturin;
ai post dla uasca ades a j'é in'edicula
ma an tal vegn-gni i cres amma di'aruidula,
i paisan i son quasi an-estinsion
a cui chi resistu ai specia in-uvasion;
bagn e doccia ai post du stalot
per ai camin as droba pl u silot,
i rubinet ti drobi cun in svigiarin
amprimma quaic canej ma per urnà di giardin.



FIO'

Dal cà a j'é sparì tron e i suclon
e per certa lavù a somma propi pi bon,
nanc pi la luce a l'é culla ad primma
farèt e neon anveci dla lampadinna;
si fijs d'arfà na volta a pavajon
amsogna urdinà in conpiuter da-u Giapon;
per angrasà j'ort a cujivi finna al bausi
ades aj-ju portu ant'in tond cun du limasi.

FUA

Ai prugres av-và propi tirà ad-més
a l'é amma ieri e nent tant d'an pès
ca giravi cul braji chirti primma du suldà
uardej ades icc fanciot cme chi son piasà;
per eisi a la moda i giru mes arciapatà
e cun u gipon a-tur la vitta bela anturtià,
nanc per sbrujà la greppia o sfà d'jarvej
i sareiusu nent sladarà cme icc bej suchej.

Dej d'ascut a na sunada,
Fià ai strument e sgranchiv in mument.

DEMA

LAVORAZIONI IN VETRORESINA

DEMA

DI A. DE FAVERI E U. MALIN SNC
S.S. 31 Km. 47 15040 CASTELLETO M.TO (AL)
TEL. 0131/233878
FAX 0131/233878

VEG

Quand che ajavu nent tanc pruvéibi
a j'esistiva anchesi menu supéibi,
as pudiva nent gratas e fà aj vagabond
e u lavù ai finiva amma au tramont;
cul braji sciancaji ant-t'aj chl
e cun j'os beja macà cme di gratachl;
a cà amsugnava purtà quaic sold
e se i varivu menu ad cui Bertold
as riusciva a tirà sl dal famiji
e a sa sgarava nanc al spli-uji.
Dai quater canton a jè po rivà di nov ajitant
a dandsi da fà cme miradur o vignulant
e da st'ani ajomma pensà a la so partecipasion;
anchesì per lur aj dev ejsi na sudisfasion;
sentomma allura ist giuvnot cme cal pò chintavla
e an tu so dialét u seicarrà ad spiegavla.

GIUVNOT

Anchesi dal noster part a jera dla crivela
e a la seira, an po magra a l'era la schidela;
mangià pulenta a mezdì l'era na tradision
a per al giurnà ad festa as favu ecesion:
capon e pasarot da cundiment
a j'eru giurnà da teni da-ment;
quarant'ani fà tanta gent la duvl scapà
anchesì a Castlet asomma rivà;
a jomma purtà u nost contribut
a dà tic as-somma merità u salut.

FJA

Quanta temp a jé urmai pasà
u smija ieri che a j'eru ancur masnà,
l'é nent che aurissu uardai da lontan
antandivu spicià a sautà ai pont ad Bastian;
nui che a-jeru dal bel sgararsi-uli
ajavu nent la testa ant'al nivuli
ognidin u girava per u so canton
e as creava nent dal gran ucasion;
poc per vota al frision i son pasaji
e al cutinni as-son avsinaji al braji,
ansimma ai palché dai fos dla bala
a voi nent chintavla per na gala,
poc per vota ajomma sfac i vaier grup
e senza duvl ciapas an testa in cup;
cun du ugiadi e in bicer ad muscaté
ajomma ambast i limsé senza drubà ai marté.

FIO'

Au-di d'ancò nui a somma pi svég
a jomma nent d'amsogn 'd'drubà u spég,
u noster fisic a lé l'arciam per al cirimèli
e a somma an grad ad seicà fra ai pi béli;
cun Valentin a jomma nent poura ad cumpeti
e ticc i di a conquistomma dal nov meti.

Sunei na vota, a lé d'Carvà!



VEG

Iec fanciot i voru semp eisi i prim
ad fatasiji i son pitost tant pin;
i son semp adré a prugramà
ma jarmanu semp beja ambalà;
di cent Kilometri per andà a divertis
a speranda ad riuscì ad pudì suasis,
a la matinna i rivu beja ansansà
e amsogna tiraj dal trunà per fai ausà.
Sejchej dal reguli ad cumpurtament
e magari anchesi quaic pasatemp,
se a vorì manteni san oss e fritura
trev si d'au lec an pò pi bunura.
D'impiant spurtiv aj n'é in'invasion
per drubai ai vè amma l'intension
e dutà ad titti al cumudità;
nent drubaj a l'é na smurbità.
Nui, per suà ai balon
a pistavu amma di uataròn,
e s'ata-ndavi a pistà quaic prà
a j'era u rischìu ad ciapas dal fuicarlà.

GIUVNOT

Au di d'ancò as capis pi nent
an gir a-jé amma di brit surtiment
pi che di rut i seicu ad sbardlà;
i brisu tut e as tiru dal rivuglià;
da uardìa ai vè di milla pulisiot
chi poru nanc drubà ben u svarslot,
mi ai mitarreisa cent can mastin
chi cu sgara ai capirrà la so fin.

FIO'

Antu gir ad menu ad trant'ani
i gigant i son stac surclasà dai nani,
a l'é la regula dai prugres
e amsogna cam veni a-pres;
a uardà la partija per television
av piej ben pochi sudisfasion.
Nui a fomma di trenu e pulman antrej
ad eisi an tanc l'é semp mej;
an-taj mig aj pò eisi cullà cu sgara
e quaicadin che di murtaret u spara,
la viulensa a l'omma mai seicaja
aj fò as po viscà cun na bisca ad paja.

FJA

Me car fanciot piella an su dus
ch'jabji nent da rivà a cà beja scus;
andà an cert stadiu a vegghi na partija
a-jé da garantìs na barela an cursija;
presentev an cità a vegghi i grigi an asion
primma che Amisan u scapa nent per disperasion.

Fej na sunada, asomma ancora 'd Carvà!



*** - CAP. 5 - ***

VEG

Na vota a jera la tasa an saj macinà
ades, a speromma c'alla mettu per j'ambranà;
per mandà a Rumma di bon guvernant
ai cribbi ambogna drubal pi tant.
Tanta gramagn-gna a lé urmai straja
ma per al reis scusi ai vè na bela maja,
pò la tinvela per scrobi tit cul camuli
e per sgrusà papagal e tant giargiatuli;
amsogna seicà ad truà n'ater pas
se ad cul mes-seiveli a uomma sfas.
A uardomma ad concedji ancur na pròva
oh furtinna seica e dam la giusta ròval
ma al cucali i van semp ben duèrti
as po nent rischià cun dal nov scuèrti,
am-bsugnarrà amsiraj la cunisiòn
ma drubej in meter:cu sija ad cui bòn;
a jomma nent d'ambogn 'd sentì di bùru,
e ad fai fà dal meditasion pres in guru,
a ciamomma amà di prugramma schlént
e ad pudì semi senza nin spauv-ént.



GIUVNOT

Nui an pulitica a somma ai prim pas
ma auvromma nent restà an saj bas;
poc per vota a giuntomma in scalin
e dadré a jarmarrà quasi pi nin.
Ajomma maturà di nov ideal
ai bulin a sarej pi bon a pial
peiché, se ajomma u sov an man
av mustromma nui cme guadagnav ai pan.

FIO'

Ad lavù ai n'é semp pi poc
a jé da fas anli la pel d'oc,
cun ist brit urizont e gran sicinna
e za crivela garantija per cui an chinna,
a pudomma amà seicà dal séppi
per fas curà e smarinà al garétti.
Eplra, a somma semp an muviment
ma as trova amà di brit surtiment;
at mettu an prova dui o trei meis
e avinda poua c'at mettì al reis,
quaica schisa alla trovu semp
per spedit a cà cun dui compliment.

FJA

Anchesi nui as trovomma semp ambalaji
la precedenza a l'an semp al braji;
a jomma ai casét pin ad diploma
ma i chintu pi poc che na soma;
la parità l'é urmaj stacia pl che dichiaraja
e vui fei nent finta d'aveilla smantaja!

Sunej na vota, ma bela pian
e fei nent aj balandran !

*** - CAP. 6 - ***

VEG

Poich i son amli siur senza sidür
nui assomma rangià senza nin tutür,
cun la schenna storta cme la strà du Runchét
assomma arpià a risparmianda finna in brichét
truvà la furtinna an-tu scapin dla Befana
lé nent cme rampias an s'alber dla cucagna,
ajomma tirà a-nan cun fasò e suichetti
ad pulenta aj n'omma sbrujà gran fetti.
Uardomma pitost ad nent amli trop smojb,
e per i fastiddi 'd jacer restomma nent ciojb,
per pudì arpias cun zà i cavij gris
a jé da sciancas fin-na i bajbis.

GIUVNOT

Fomsi nent pià da la malincunija
a-sij semp scürì cme l'angunija;
a somma chl nui c'av fomma da stampela
di quintal a spustumma senza chisela;
al noster forsi i son anchesi agl'ideji
per fa quadrà i chint ai vè nent tanti careji.

FIO'

Nui a jomma nent mangià pan ai carsent
ma a scola a jomma amparà a teni tut da-ment;
cul c'amej mustrà ajiomma ben registrà
e au schiri a pudomma ambucà tit al strà;
ajomma na macanica c'la pòura ad nin
d'inisiativi a jomma u sacucin bela-pin.

FJA

I nocer fradé i fan trop i fujb
al butigli i poru avej ai fond tujb;
a-ju sparù semp pitost beli gròsi
ma u dus ai pò amli majer cme u tòsi.
I voru mustrà ai gat a rampià
ma i san nanc cme cmensipià,
e quand spauentà i rivu cun l'amietta
per sbrujaj ambogna curi cun na caretta.
Quaica schisa alla trovu semp bonna
e sò mari ad-svens aj-ju perdonna;
nent semp tic i di i son ad festa
ma ogni tant i riva an po 'd tempesta
e se anchesi dop i ciamu pardon
an gir i fan semper ai gadanon.

Forsa ai strument,
feji ticc cuntent!



VEG ""D'la Sucieta""
Visomsi semp d'ista nostra Sucieta
per jità j'uperai a l'era la sò finalità,
quasi nuvant'ani a-là za urmai cumpi
ist impegn da ticc u dev ejsi sustni,
ac fanciot al man-nji ai ciamonna d'anvertias
di sacrifici fac dai Fundatur amsogna nent smentias!

FIO*
Nui a uardomma ad tensi semp an muviment
peiché a riuomma maj ad stà senza fa nent;
ai Cunsigliu Diretiy l'é stac da poc amuvà
a cun quaic debit finna ai biliard jomma cambià;
aj fos 'dla bala a l'é semp lister cme in spec
e d'istà quaicdin a sa smantija finna, u léc;
ai bilanci u as seica semp ad fal ariundal
cun la luterija e la Festa Patrunal.
Ma ahimé, ai casiot l'é semp alger ad muneida
piej allura ai bisulot e fev nent amll la man reida.
Per i Sustenitur a jé semp la porta duërta
acsi d'inver per i vegg ai vè nent la cuërta;
uardej ticc ad pensà per dam na man
se auomma che la Sucieta la sija duerta anchesi adman!

FIJA
Pasà l'invern e tit culla gran fimejra
a drubomma al finestri ai prugramma za an primaveira;
o per ai prim ad Mag o per ater ricurensi
a'jan nent poura al noster cardensi,
pitansi e menù cme cui ad na vòta
e grand butigli a va speciu per daj na bòta.

GIUVNOT
D'adnan agl'esigensi assomma maj tirà andrera
e anches per andà an trincea a jomma fac da cerniera,
la Sucieta a lè semp stacia u doplavù per ticc
se ben ai prim pian, amsogna uardà ad teni i pé au sicc.
Sfughev ancur na vota
e cun l'andeira dal Carvè!



VEG
Al pò anche das ca sija trop pesimist
ma robì straudinarji poc temp fà a jò vist;
am riferis a culla gran quantità ad gent
rivaja per fruntagià cul brit aveniment.
A jé nanc ancur pasà quater meis
ma a San Miché as-son nent ancora areis;
a jan lutà ticc contra culla gran aluvion
a s'avghiva in gran lag dai Stùt aj bastion.
Sa tant voti a l'avu vist a scapà
ma sta vota tut a l'é riuosci a sautà;
as-somma ciamà se Tani a l'ava dal rasòn
o se quaichdin l'é stac senza cunision,
al respunsabilità i verranno ben andividuaji
e speromma che al carti i restu nent angav-gnaji.

GIUVNOT
Da Castlét e dau Giardinét a somma subit curs
e da San Salvador a jé dlonc rivà i prim sucurs;
a veggì tanc mort e tanta disperasion
assomma rangià per pià dal decision;
cun bagliessi, stivaj e quaic tratur
e rivanda la nòc a seicà di generatur.
Gent afanaja e tanc chi piansivu
elicotteri che j'andavu e j'amlivu,
finna an si cup a jan duvi scapà
e i spiciavu na baica per pudis salvà.
La "Prutesion Civil" a l'era ancora luntan
e l'acqua la carsiva semp da mani-man;
calanda po s'è la nòc, da luntan a jera di limin
ma andaj a salvà a jera propi pi nin.

FIO*
Se ben a l'é stacia na britta ucasion
a jomma dimustrà 'd eisi a l'autessa dla situasion;
fanciot e fiji cun gran generosità
i son nent stacc au sic a guardà;
o an-mes a la nitta o ansimma d'in gumon
a jomma fac cul c'am sugeriva la rason.
Ansema a ticc j'acer Vuluntari
ad San Salvador e dau circundari,
dla CRUS RUSSA a jera tir la sesion:
in gran esempi da pià an cunsiderasion.
Dì e nòc a jan girà gl'ambulansi
per dai susta a mari e lur fiulansi;
da mani a-man c'as salvava in grup 'd sfulà
na cuërta e in bicer 'd té l'era sa pruntà;
dop, tranquilisà tit la famija recuperaja
subit a la sede dla Sesion l'amliva partaja.

FIJA
Eh si, l'é stac propi in gran esempi
e cun grand umiltà dad-nan a cul scempi;
ancura ades, a pasanda dau stradon
as percepis tit culla disperasion,



ricord svani, vitti ad lavù perdi;
 cà voji, rivi e camp pin ad gran purcheriji,
 gent anfangutaja, avsin a na stiva cme na vota
 nin as ferma, ancur per meis aj cuntinua la lota.
 Dice fanciot e dai calur dla so generusità
 tanta gent la dev amparà stà lision 'd umiltà.

Per rispet, a fomma in mument ad silensiu !

*** - CAP. 9 - ***

VEGG

Cull'arlori an-saj campanin
 an-taj mur aj uarda propi nin;
 tance prumetur di nost vegg carvè
 a j'avgomma amprimma futugrafà,
 ma aj ricurdomma ticc per u sò impègn
 peiché, per i giuven, u sija in bon sègn.
 Du Giuan 'd Pedanna as visomma cme allura,
 dai Franchin e dai Mudest, cl'era mai bunura;
 dai Columbu, du Giusep e ad Maichin
 arnuvaj as trova propi pi-nin !



FIIA

Se auomma teni semp an pé Castlét
 amogna ampegnas a teni visch u dialèt;
 d'a-chì quaic ani u rischia ad spari
 cun ist periccul l'urizont a duvomma sciarì.
 E se u sarà ben anchesi an pò armiscià
 l'esenial: amogna seguital a parlà!
 An famija cianciej cun i voster fanciòt
 fej ist bel investment, u sarà mej che in BOT!

FIO'

Se ben an-taj Munfrà a jomma al reis
 a scola a m'an mustrà amà l'ingleis;
 nui a somma lancià ad ejsi internasiunal
 ai vacubulari jomma nent dambogn 'd drubal.

GIUVNOT

Icc i son rasunament dà garabuja
 a rischiej ad fav amli anches la puja;
 tnij dament c'av cianomma nent dl'eruismo
 per pudl andà anan as dev scartà l'eguismo;
 per ticc i voster vegg a devi gran rispèt
 nent savej u dialet cu sija nent in pretèst;
 e scundiv nent dadrè a na certa sufficensa
 c'av posa nent pò sciòdi di rimors 'd cusciansa;
 l'è propi in daimagi 'd smentias ist dialèt
 u sarà cme perdi la storia ad Castlét!

Sunadur, deji na bota,
 regulev cme na vota.



*** - CAP. 10 - ***

VEG

A jomma pensà ad fav capi i mutiv,
 a seicanda ad girala per pudì suasiv,
 dai peichej as truvomma ancura an piasa
 a jomma pòura che sta tradision a sa sfasa.
 D'an mument a l'ater a rischiomma ad spari
 ticc i di puicariji c'av fan amà amli-sl;
 uèri, mafia, viulensa, ruberiji dapartit
 a viscanda la television a va scapa l'aptit.
 Epira, a uardomma ad purtas semp a-nan
 ma cert luchejri dai prugres a jomma semp d'adnan.
 A proposit ad nuvità da ciulandari,
 che prupunivu "vamp" da calandari,
 u smija che l'asion daj "Grillo pariant"
 l'abia eliminà culla facenda umiliant;
 cun cul "144" tant ben reclamisà
 quaichdin a s'è trovà ben ancastrà;
 icc fanciot ed acer turututèla
 a sa scardivu d'avei agancià la béla,
 i capivu nent c'as tratava d'in armisc
 per fai trovà cun ai partafoj au-sicc.

FIO'

A scardiv nent che la culpa la sija la nostra
 anchesi quaicdin cui cavij gris l'era an giostra;
 a pensanda ad trovà na faccil ucasion
 peiché uramai a l'ava pl ai mur bon,
 as sugnava ad sgranà nà gran cirimèla
 ma l'è nanc pudl amli an t'inna ufèla.

GIUVNOT

E-sà, cuj noster bajbis as fomma ciulà
 acctanda icc legg d'is brit meicà,
 se nui aurissu seicà dagl'ucasion
 a schisomma sens'al vostri indicasion;
 a somma nui cme trovà daj prunsemmu ardi
 che per la rabia av mangiarreisi tic i di

FIIA

Me car omi, seichej d'andà bela pian
 uardej ad nent trà vija ai pan;
 a so temp a jej fac tanc vers
 scapisei nent ades per andà a travers;
 a rivanda a cà a pudij trovà la muscla
 e a sutta u lec nanc pl la pantufla,
 se al mujé a j'andriissu agl'antènni
 a va snugiarrej e cun prumessi sulènni
 av faran smantià ticc cui ardiment
 e cun la socla ai giuntarran aj cundiment.

Sunej na vota e nent tant pian!



VEG

Bela pian a s'avsinomma ai dui-milla
ma ticc i di amsogna ca pija na camamilla
per digerì spruposit e per sfam dal luchejri
quanc giurnal a jè da brisà cun al fumejri.
Poc temp fà aj n'omma vist jinna nova
e speromma c'la sija l'ultima prova;
dop a dui ani a jè nasì na povra masnà
fija dla zija, dla nora ad so papà;
a jan piantà in armisc d'asident,
a créd c'amsogna feimas in mument.
Stà quistion dla smens missa an carpiòn
da teni an frigu o per ater dispusìon,
l'è na facenda an po trop angav-gnaja
clà duvrija ejsi dlonc archivajaja.
L'è nent ai cas ad fà dj'esperiment;
a cul profesur ai vè nent tanc compliment;
cun titi al disgrasij ch'jè-sa an gir
evitomma al nebjì e stomma an-su sighir.

FIO'

Se a m'ej carsì cun vasèt e dla nutèla
a pudij nent ciamam cmè na mesa seivèla;
pasà quaic ani, ajomma per nostra furtinna
pudì metti quaic grissia an-t'la spurtinna
e al camuli a jomma perdiji per la strà
sid-nò a s'avu nui cmè duviv ringrasià;
daj pajà a pudomma seicà anchesi na ghiggia
e an banca ù noster chint semp as miggia.

GIUVNOT

Piella dusa e mandej si bela pian
da-la finestra as-trà nent vija ai pan;
se a vòri trovà la toulà ambandija
da vost pari a duvrij ambucà la cursija;
l'é stacia trop comuda a trovav tut pront
o a rientrà dan tu schiri per in bel pont;
sbasej agl'ali per nent drucà an pichiata
per arpias, aj n'andrà turna dla marmelata.

FJA

Ticc i di a sa screddu ad trovà l'America
ma i poru amma drubà la teleferica
si voru anviaras per la strà dla nurmalità
senza rischià 'd ogni mument ad rabatà:
al lision as-s' ju smantiju an-t'in mument
ai vè di ciò da cantera per feimà icc surtiment,
i voru fà veggì ca-jan dal testi cmè in svigiariùn
ma al pi tant voti i rivu nèc cmè di pifanti.
Absugnarrà sbàtji ancora di sambaion
se auomma rinfursaj an pò la cunision;
e speromma semp che a jabiu d'andrisàs
acsi cul sò ardiment ai piarrà u giuspàs.

.....sunada! - E per teni st gl'ali dicc galèt
sunei anchesi cun aj clarinet !



VEG

Avij pasiensa se av'omma fac stà an pé
ma a sper che per i lucal e ticc i furasté
al noster quater cianci i siju staci gradiji
per i giuven, j'ansian e titi ist bel fijsi.
La "regija" a la duvl strensi i temp
ma per n'atr'ani av faromma pl cuntent.
Anche-si i musicant a jan nent pudl sfugas
se ben cordi e tastieri a jan rischià 'd sciancas.
L'essensial a l'era ad pasà in'ura an alegrija;
ma pasej da-la Società, la giornà l'è nent finija;
avij nent presia, stej atent a la scaletta
c'jabj nent da giuntaj in'ongia o na garetta.
Gustev ancora dui farciò e in bon biccr
dal noster part a somma ciar e sincer.
U stù a s'avsinna urmaì au tramont
e cul muntagni i smiju i denc dn'arsion,
se a-jei ancora di turon da sgamatà
per ejsi sighir, deji a'st bel masnà.
Al festi i son per lur ancora alegrija
e se per nui la Befana ai-jà sà purtaji vija,
uardomma ad stà ansema ancora quaic mument
per al tradision e per icc fanciot, scicomma ad fai cuntent!
Cme ricord mantnij strec u nost libret an sègn
e ad truas n'atr'ani ticc ac-csi-chì l'è ù nost impègn.

av ricurdomma ticc cuntent
per stà giornà da teni dament.

Salutomma anchesi ticc i culaburatur
e pitant ancora ticc i sustenitur ! ! !

Arvèdsi, CIAU A TICC VUI ! ! ! !

